



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 12. tačka c i člana 18. stav 1. tačka d. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04 6/13 i 31/17) i člana 117., a u vezi člana 119. Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo na sjednici održanoj dana 24.07.2019. godine, donijela je

ODLUKU

I

Daje se saglasnost na Program rada Javne ustanove Sarajevska filharmonija sa finansijskim planom za 2019. godinu, koji je sastavni dio ove odluke.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.


Broj: 01-05-29339/19
24.07.2019. godine
SARAJEVO


PREDSJEDAVALAČ
SKUPŠTINE KANTONA SARAJEVO
Elmedin Konaković
Elmedin Konaković

Materijal pripremio: Nalbantić Emir *E*
Materijal kontrolisala: Amela Smailagić-Čamdžić *A.S.*



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



na i Hercegovina
deracija Bosne i Hercegovine
anton Sarajevo
U „Sarajevska filharmonija“

PROGRAM RADA
JU „SARAJEVSKA FILHARMONIJA“
ZA 2019. godinu
- PRIJEDLOG -

Sarajevo, februar 2019. godine

**PROGRAM RADA
JU „SARAJEVSKA FILHARMONIJA“
ZA 2019. GODINU
PRIJEDLOG**

I UVODNI DIO

Program rada za 2019. godinu JU "Sarajevska filharmonija" sačinjen je u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", broj: 29/12 i 11/17). Program rada za 2019. godinu obuhvata period od 01.01.2019. do 31.12.2019. godine, a programski poslovi i zadaci sistematizirani su prema vrstama, rokovima izrade i nosiocima izvršenja.

1.1 Naziv, osnivač, sjedište, identifikacioni broj ustanove

Naziv: JU "Sarajevska filharmonija"
(u daljem tekstu Sarajevska filharmonija)

Osnivač: Kanton Sarajevo

Sjedište: Obala Kulina bana 9, Sarajevo

Identifikacioni broj: 4200538280007

1.2 Djelatnost Sarajevske filharmonije

Sarajevska filharmonija je javna ustanova koja u okviru svoje osnovne registrovane djelatnosti vrši:
IZVOĐAČKA UMJETNOST

**POMOĆNE DJELATNOSTI U IZVOĐAČKOJ UMJETNOSTI
RAD UMJETNIČKIH OBJEKATA**

Sarajevska filharmonija izvodi svoje Redovne koncerte simfonijske muzike, održava repertoar i priprema i realizuje premijere Opere i Baleta Narodnog pozorišta Sarajevo, kao i projekte koje resorno ministarstvo, Vlada, odnosno Skupština Kantona Sarajevo zahtijevaju da se posebno uvrste u program.

1.3 Upravljanje i rukovođenje u Sarajevskoj filharmoniji

Organ upravljanja u Sarajevskoj filharmoniji je **Upravni odbor** čiji je način izbora, sastav i nadležnosti određen odredbama Zakona o ministarskim, vladinim i drugim imenovanjima ("Službene novine FBiH", broj 12/03), Zakona o ustanovama i Pravilima JU Sarajevska filharmonija.

Organ kontrole poslovanja u Sarajevskoj filharmoniji je **Nadzorni odbor** čiji je način izbora, sastav i nadležnosti određen odredbama Zakona o ministarskim, vladinim i drugim imenovanjima, Zakona o ustanovama i Pravilima JU Sarajevska filharmonija.

Organ rukovođenja u Sarajevskoj filharmoniji je **direktor** čiji je izbor, imenovanje i razrješenje dužnosti regulisan Zakonom o ustanovama i Pravilima JU Sarajevska filharmonija.

Organizacija rada u Sarajevskoj filharmoniji

U cilju što učinkovitijeg ostvarenja djelatnosti Sarajevske filharmonije, trenutno su uspostavljene dvije organizacione jedinice i to:

- Uprava Sarajevske filharmonije
- Orkestar Sarajevske filharmonije

1.5 Vanjski saradnici

Sarajevska filharmonija u svom radu će, po potrebi, a u interesu korisnika usluga ustanove, ostvarivati saradnju sa JU Narodno pozorište Sarajevo, JU Muzičkom akademijom Sarajevo, JU "Centar za kulturu" i drugim srodnim organizacijama sa kojima se može ostvariti saradnja, te postići kvalitetnije pružanje usluga Sarajevske filharmonije.

Po potrebi, Sarajevska filharmonija će angažovati i vanjske saradnike u skladu sa Zakonom i Pravilima ustanove.

1.6 Stručna tijela

U Sarajevskoj filharmoniji djeluje stručno i savjetodavno tijelo - Umjetnički savjet.

Umjetnički savjet JU Sarajevska filharmonija je savjetodavno tijelo koje prati ostvarivanje programa rada Sarajevske filharmonije i kao savjetodavni organ direktora i Upravnog odbora.

Umjetnički savjet izvršava svoje obaveze u skladu sa Zakonom o pozorišnoj djelatnosti, kako slijedi:

- razmatra predloženu umjetničku koncepciju koju je kreirao direktor JU Sarajevska filharmonija,
- razmatra predloženi godišnji repertoarski plan i estetski ga vrijednuje,
- prihvata plan gostovanja i učešća na festivalima, koji predlaže direktor JU Sarajevska filharmonija

1.7 Finansiranje Sarajevske filharmonije

Sarajevska filharmonija se finansira iz Budžeta Kantona Sarajevo, sopstvenih prihoda i drugih izvora u skladu sa zakonom.

1.8 Planovi i Programi rada

Godišnji program rada na nivou ustanove, predlaže direktor u saradnji sa Umjetničkim savjetom, a utvrđuje Upravni odbor Sarajevske filharmonije.

Mjesečne operativne Planove i programe rada Sarajevske filharmonije izrađuje organ rukovođenja u saradnji sa Umjetničkim savjetom.

Mjesečni programi rada pojedinačno su usklađeni i proizilaze iz godišnjeg Programa rada Sarajevske filharmonije.

Sarajevska filharmonija planira u toku 2019. godine, u okviru svoje djelatnosti, održati ukupno 29 koncerata, ali i projekte Opere i Baleta Narodnog pozorišta Sarajevo u kojima učestvuje orkestar Sarajevske filharmonije koji podrazumijevaju 18 operskih predstava i 19 baletskih predstava. Na osnovu gore navedenog, u toku 2019. godine Sarajevska filharmonija planira održati ukupno 66 programa.

II NORMATIVNI DIO

2.1.

Naziv: Pravilnik o unutrašnjoj organizaciji i sistematizaciji radnih mjesta

Nosilac izrade: JU Sarajevska filharmonija

Rok za izradu: Tokom godine

Organ koji razmatra/donosi propis: Upravni odbor JU Sarajevska filharmonija

Kratak sadržaj: U oktobru 2018. godine na snagu su stupile izmjene i dopune Zakona o radu FBiH („Sl. Novine FBiH” br. 89/18). Pored toga, s obzirom da trenutno važeći Pravilnik o unutrašnjoj organizaciji i sistematizaciji radnih mjesta datira još iz 2010. godine, potrebno ga je uskladiti sa Sporazumom o utvrđivanju platnih razreda i koeficijenata za obračun plaća zaposlenika u javnim ustanovama kulture Kantona Sarajevo (Službene novine Kantona Sarajevo, broj 27/13)

2.2.

Naziv: Tekući poslovi
(Odluke, Zaključci, Rješenja, Ugovori, Pravilnici, Izvještaji i dr. akti koje donose organ rukovođenja, organ upravljanja i organ kontrole poslovanja u JU „Sarajevska filharmonija“)

Nosilac izrade: JU Sarajevska filharmonija

Rok za izradu: Tokom godine

Organ koji razmatra/donosi propis: Organ rukovođenja, Upravni/Nadzorni odbor

Kratak sadržaj: Tokom 2019. godine JU Sarajevska filharmonija će inicirati ili donositi odgovarajuće akte ili predlagati izmjene i dopune postojećih akata iz djelokruga rada JU Sarajevska filharmonija u skladu sa zakonom i podzakonskim aktima a na osnovu Zakona o ustanovama („Službeni list RBiH”, br: 6/92, 8/93, 13/94), Zakona o radu („Službene novine Federacije BiH“ br: 26/16 i 89/18), Zakona o pozorišnoj djelatnosti Zakona o javnim nabavkama Zakona o budžetu Kantona Sarajevo za 2019. godinu Zakona o izvršavanju budžeta Kantona Sarajevo za 2019. godinu Pravila JU „Sarajevska filharmonija“ i drugih zakonskih i podzakonskih akata

III TEMATSKI DIO

3.1.

Naziv: Godišnji finansijski obračun za 2018. godinu

Nosilac izrade: JU Sarajevska filharmonija

Rok: Februar 2019. godine

Organ koji razmatra/donosi propis: Upravni odbor JU Sarajevska filharmonija

atak sadržaj:

Godišnji finansijski obračun se podnosi za period 01.01.2018.-31.12.2018. godine i sastoji se od sljedećih završnih (godišnjih) izvještaja: računa prihoda i rashoda, bilansa stanja, iskaza o kapitalnim izdacima i finansiranju, iskaza o ostalim finansijskim podacima, posebnim podacima o plaćama i broju zaposlenih, te godišnjeg iskaza o izvršenju budžeta za 2018. godinu. Pravni osnov je Zakon o budžetima u Federaciji Bosne i Hercegovine, Zakon o ustanovama, Odluka o osnivanju JU Sarajevska filharmonija, Pravila JU Sarajevska filharmonija, te Pravilnik o finansijskom izvještavanju i godišnjem obračunu budžeta u Federaciji Bosne i Hercegovine.

3.2.

Naziv:

Izveštaj o radu sa izvještajem o finansijskom poslovanju ustanove, izvještajem o radu direktora, Upravnog odbora i Nadzornog odbora JU Sarajevska filharmonija za 2018. godinu

Nosilac izrade:

JU Sarajevska filharmonija

Rok:

Mart 2019. godine

Organ koji donosi/ razmatra propis: Upravni odbor JU Sarajevska filharmonija

Kratak sadržaj:

Izveštaj se podnosi za period od 01.01.2018. do 31.12.2018. godine i sadrži ocjenu izvršenja programa rada JU „Sarajevska filharmonija“, a na osnovu Zakona o ustanovama, Odluci o osnivanju JU Sarajevska filharmonija i Pravilima JU Sarajevska filharmonija

3.3.

Naziv:

Izveštaj o izvršenju Finansijskog plana za 2018. godinu

Nosilac izrade:

JU Sarajevska filharmonija

Rok:

Mart 2019. godine

Organ koji donosi/razmatra propis: Upravni odbor JU Sarajevska filharmonija

Kratak sadržaj:

Izveštaj se podnosi za period 01.01.2018.-31.12.2018. godine i sadrži sva sredstva predviđena Finansijskim planom za 2018. godinu i njihov utrošak po kontima, kako u apsolutnom tako i u relativnom iznosu u skladu sa Zakonom o ustanovama, Odlukom o osnivanju JU Sarajevska filharmonija, Pravilima JU Sarajevska filharmonija

3.4.

Naziv:

Izveštaj o izvršenju Budžeta Kantona Sarajevo za JU „Sarajevska filharmonija“ za period 01.01.2019. - 31.03.2019. godine

Nosilac izrade:

JU Sarajevska filharmonija

Rok:

25.04.2019. godine

Organ koji donosi/razmatra propis: Upravni odbor JU Sarajevska filharmonija
Nadzorni odbor JU Sarajevska filharmonija

Kratak sadržaj: Izvještaj se podnosi za period 01.01.2019. - 31.03.2019. godine i sadrži planirane i ostvarene prihode i primitke te rashode i izdatke kako u apsolutnom, tako i u relativnom iznosu sa obrazloženjem koji se odnosi na programske rezultate izvršenja budžeta. Pravni osnov je Zakon o budžetima u Federaciji Bosne i Hercegovine i Zakon o izvršavanju budžeta Kantona Sarajevo

3.5.

Naziv: Izrada dokumenata okvirnog budžeta za period 2020. – 2022. godine

Nosilac izrade: JU Sarajevska filharmonija

Rok za izradu: Po zahtjevu, instrukciji ili uputstvu Ministarstva finansija Kantona Sarajevo

Organ koji razmatra/donosi propis: Upravni odbor JU Sarajevska filharmonija

Kratak sadržaj: Prijedlog finansijskog plana za 2020. godinu i naredne dvije godine sadrži prihode i primitke po vrstama, rashode i izdatke predviđene za trogodišnji period, planirani broj i strukturu zaposlenih za budžetsku godinu i naredne dvije, obrazloženje finansijskog plana, plan razvojnih programa po godinama te plan nabavke stalne imovine, a prema instrukcijama Ministarstva finansija Kantona Sarajevo.
Pravni osnov za izradu ovog finansijskog plana je Zakon o budžetima u Federaciji Bosne i Hercegovine.

3.6.

Naziv: Izvještaj o izvršenju Budžeta Kantona Sarajevo za JU „Sarajevska filharmonija“ za period 01.01.2019. - 30.06.2019. godine

Nosilac izrade: JU Sarajevska filharmonija

Rok: 25.07.2019. godine

Organ koji donosi/razmatra propis: Upravni odbor JU Sarajevska filharmonija
Nadzorni odbor JU Sarajevska filharmonija

Kratak sadržaj: Izvještaj se podnosi za period 01.01.2019. - 30.06.2019. godine i sadrži planirane i ostvarene prihode i primitke, te rashode i izdatke kako u apsolutnom, tako i u relativnom iznosu sa obrazloženjem koji se odnosi na programske rezultate izvršenja budžeta. Pravni osnov je Zakon o budžetima u Federaciji Bosne i Hercegovine i Zakon o izvršavanju budžeta Kantona Sarajevo.

3.7.

Naziv: Zahtjev za dodjelu sredstava JU “Sarajevska filharmonija” iz Budžeta Kantona Sarajevo za 2020. godinu

Nosilac izrade: JU Sarajevska filharmonija

Rok: 01. august 2019. godine, te po zahtjevu Ministarstva finansija Kantona Sarajevo

Organ koji razmatra/donosi propis: Nadzorni odbor JU Sarajevska filharmonija
Upravni odbor JU Sarajevska filharmonija

Kratak sadržaj: Zahtjev za dodjelu sredstava sadrži plan prihoda i primitaka te rashoda i izdataka za narednu budžetsku godinu sa odgovarajućim analizom i obrazloženjem. Pravni osnov je sadržan u Zakonu o ustanovama, Pravilima JU Sarajevska filharmonija, instrukcijama, Zakonu o budžetima u Federaciji Bosne i Hercegovine, a prema uputstvu ili instrukciji Ministarstva finansija Kantona Sarajevo.

3.8.

Naziv: Prijedlog zahtjeva za dodjelu sredstava JU "Sarajevska filharmonija" za izmjene i dopune Budžeta Kantona Sarajevo za 2019. godinu

Nosilac izrade: JU Sarajevska filharmonija

Rok: Po zahtjevu, instrukciji ili uputstvu Ministarstva finansija Kantona Sarajevo

Organ koji razmatra/donosi propis: Upravni odbor JU Sarajevska filharmonija

Kratak sadržaj: Prijedlog zahtjeva za dodjelu sredstava sadrži procjenu prihoda i primitaka te rashoda i izdataka za tekuću budžetsku godinu sa odgovarajućom analizom i obrazloženjem. Pravni osnov je zahtjev, instrukcija ili uputstvo Ministarstva finansija Kantona Sarajevo.

3.9.

Naziv: Izvještaj o izvršenju Budžeta Kantona Sarajevo za JU „Sarajevska filharmonija“ za period 01.01.2019. - 30.09.2019. godine

Nosilac izrade: JU Sarajevska filharmonija

Rok: 25.10.2019. godine

Organ koji donosi/razmatra propis: Upravni odbor JU Sarajevska filharmonija
Nadzorni odbor JU Sarajevska filharmonija

Kratak sadržaj: Izvještaj se podnosi za period 01.01.2019. - 30.09.2019. godine i sadrži planirane i ostvarene prihode i primitke te rashode i izdatke kako u apsolutnom tako i u relativnom iznosu sa obrazloženjem koji se odnosi na programske rezultate izvršenja budžeta. Pravni osnov je Zakon o budžetima u Federaciji Bosne i Hercegovine i Zakon o izvršavanju budžeta Kantona Sarajevo.

3.10.

Naziv: Nacrt Programa rada sa finansijskim planom JU Sarajevska filharmonija za 2020. godinu

Nosilac izrade: JU Sarajevska filharmonija

Rok: Oktobar 2019. godine

Organ koji donosi/razmatra propis: Upravni odbor JU Sarajevska filharmonija
Nadzorni odbor JU Sarajevska filharmonija

Kratak sadržaj: Program rada je iskazan kroz: uvodni dio, tematski dio, normativni dio, kontinuirani poslovi, kapitalni projekti i finansije u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa i organizacija

3.11.

Naziv: Plan nabavke roba i usluga za 2019. godinu

Nosilac aktivnosti: JU Sarajevska filharmonija

Rok: 28.02.2019. godine

Organ koji donosi/razmatra propis: Upravni odbor JU Sarajevska filharmonija
Nadzorni odbor JU Sarajevska filharmonija

Kratak sadržaj: Organ rukovođenja je obavezan sačiniti Plan nabavke roba i usluga za 2019. godinu i dostaviti Upravnom odboru na usvajanje. Organ rukovođenja je obavezan tokom godine blagovremeno donositi Odluke o provođenju procedura javnih nabavki, u skladu sa raspoloživim finansijskim sredstvima u cilju pravovremenog nabavljanja potrebnih roba i usluga i drugih nabavki neophodnih za funkcioniranje i obavljanje djelatnosti ustanove. Pravni osnov je sadržan u Zakonu o Ustanovama, Zakonu o javnim nabavkama, Zakonu o budžetima u Federaciji Bosne i Hercegovine.

3.12.

Naziv: Mjesečni operativni planovi i programi rada Sarajevska filharmonija

Nosilac izrade: JU Sarajevska filharmonija

Rok: Mjesečno

Organ koji donosi/razmatra propis: JU Sarajevska filharmonija - organ rukovođenja

Kratak sadržaj: Organ rukovođenja utvrđuje mjesečni plan i program rada Sarajevske filharmonije.

3.13.

Naziv: Tromjesečni operativni planovi i programi rada Sarajevska filharmonija

Nosilac izrade: JU Sarajevska filharmonija

Rok: Tromjesečno

Organ koji razmatra/donos propis: JU Sarajevska filharmonija – organ rukovođenja

Kratki sadržaj: Organ rukovođenja utvrđuje projekciju tromjesečnih troškova

3.14.

Naziv: Priprema materijala i organizacija sjednica organa upravljanja i organa kontrole poslovanja ustanove

Nosilac izrade: JU Sarajevska filharmonija

Rok: Tokom godine

Organ koji razmatra/donosi propis: JU Sarajevska filharmonija - Organ rukovođenja

Kratki sadržaj: Organ upravljanja i organ kontrole poslovanja će permanentno tokom godine održavati sjednice na kojima će se razmatrati pitanja iz djelokruga rada ovih organa. JU Sarajevska filharmonija će obezbjediti uslove za rad ovih organa i vršiti pravovremenu pripremu materijala i organizaciju sjednica, a na osnovu Zakona o ustanovama, Odluke o osnivanju JU Sarajevska filharmonija i Pravila JU Sarajevska filharmonija.

3.15.

Naziv: Saradnja sa medijima i društvena promocija rada i aktivnosti Sarajevske filharmonije

Nosilac aktivnosti: JU Sarajevska filharmonija - organ rukovođenja

Rok: Tokom godine

Organ koji razmatra/donosi propis: Organ rukovođenja JU Sarajevska filharmonija

Kratki sadržaj: U cilju promocije rada JU Sarajevska filharmonija direktor i zaposlenici koje ovlasti direktor ostvarit će saradnju sa pisanim i elektronskim medijima, davati obavještenja o sadržajima rada koji se provode u Sarajevskoj filharmoniji, organizovati susrete i druge oblike saradnje sa medijima prigodne za prezentaciju i promociju rada Sarajevske filharmonije.

3.16.

Naziv: Izjava o fiskalnoj odgovornosti za 2018. godinu

Nosilac aktivnosti: JU Sarajevska filharmonija - organ rukovođenja

Rok: 15.03.2019.

Organ koji razmatra/donosi propis: JU Sarajevska filharmonija - Organ rukovođenja

Kratki sadržaj: Izraditi u skladu sa aktom Ministarstva finansija Kantona Sarajevo br. 08-04-14-al od 26.2.2015. godine i u skladu sa Zakonom o budžetima u Federaciji BiH (Sl. novine FBiH br. 102/13, 9/14, 13/14, 8/15, 91/15, 102/15 i 104/16) i Pravilnikom o obliku, sadržaju, načinu popunjavanja i predaji izjave o fiskalnoj odgovornosti (Sl. novine FBiH br. 34/14).

IV KONTINUIRANI POSLOVI

U toku 2019. godine Sarajevska filharmonija planira održati ukupno 29 redovnih koncerata. U navedenim projektima uključene su i participacije orkestra Sarajevske filharmonije na tradicionalnim festivalima čiji je Sarajevska filharmonija obavezni dio poput Sarajevske zime, festivala SVEMIR, manifestacije „Ajvatovica 2019.“ u Bugojnu i Travniku, festivala „Bašćaršijske noći“, zatim saradnja sa Muzičkom akademijom Sarajevo pri realizaciji festivala „Majske muzičke svečanosti“. U toku 2019. godine sarajevska filharmonija će nastupiti i u Zenici na svečanom koncertu povodom manifestacije „Dani BHAAAS“.

Planirana su ali nepotvrđena internacionalna gostovanja orkestra Sarajevske filharmonije sa tri koncerta u Poljskoj i pet koncerata u SAD, za čiju finansijsku podršku realizaciji istih traju pregovori sa internacionalnim partnerima.

U planu je realizacija premijerne izvedbe djela posvećenog žrtvama srebreničkog genocida, na čijoj realizaciji bi bili uključeni i internacionalni partneri.

U okviru obaveza prema EU projektu u koji je uključena Sarajevska filharmonija kao partner „Music up close“, u toku 2019. planira se izvedba minimalno tri dječija koncerta kao i muzičke radionice u cilju educiranja najmlađe populacije.

Pored svojih redovnih aktivnosti, orkestar Sarajevske filharmonije nastavlja izvršavati i programske aktivnosti Opere i Baleta Narodnog pozorišta Sarajevo, te je planirano održavanje 18 operskih predstava, od kojih dvije premijere i to G. Puccini „La Boheme“ i G. Verdi „Otello“. Također, planirano je i gostovanje opere „La Bohemi“ u Mostaru i Tuzli.

U okviru baletskog repertoara planirano je održavanje ukupno 19 predstava, od kojih jedno premijerno izvođenje i to P. I Čajkovski „Uspavana ljepotica“. Također, planirano je i gostovanje baletske predstave „Okoivani Prometej“ u Ohridu, Makedonija.

Na osnovu raspoloživih podataka o planu programskih aktivnosti i kontinuiranih poslova, orkestar Sarajevske filharmonije će učestvovati u ukupno 66 programskih aktivnosti.

PRIJEDLOG GODIŠNJEG FINANSIJSKOG PLANA za 2019. godinu
(Procjena finansijskih sredstava)

Za realizaciju aktivnosti Plana rada predložen je finansijski plan JU Sarajevska filharmonija za 2019. godinu kojim su predviđena sredstva potrebna za realizaciju Plana rada, a u skladu sa instrukcijama za izradu zahtjeva za dodjelu sredstava iz budžeta Kantona Sarajevo za 2019 godinu.

Realizacija Plana rada JU Sarajevska filharmonija za 2019. godinu zavisiće od visine odobrenih budžetskih sredstava, broja redovnih koncerata Sarajevske filharmonije, broja premijera, repriza i redovnih opernih i baletnih predstava Opere i baleta Narodnog pozorišta Sarajevo, te fluktuacije broja zaposlenih i honorarnih muzičara.

U maju 2013. godina stigla je pošiljka instrumenata za orkestar kao donacija vlade Japana (u vrijednosti oko 400.000 EUR). U skladu sa ugovorom o donaciji potrebno je da se obezbijede sredstva za njihovo osiguranje i održavanje.

Neophodno je da Sarajevska filharmonija ima odobrena sredstva za nabavku osnovnih sredstava kako bi mogla normalno funkcionisati, bilo da se radi o nabavci instrumenata i opreme za orkestar, te printera koji je neophodni za štampanje notnog materijala. Sredstva za ovu namjenu bi bila izdvojena u iznosu od 10.000,00 KM.

Plan rada JU Sarajevska filharmonija moguće je mijenjati i dopunjavati po proceduri predviđenoj za njegovo donošenje.

OBRAZLOŽENJE

prijedloga zahtjeva za dodjelu sredstava iz Budžeta Kantona Sarajevo za 2019. godinu, te procjena za 2020. i 2021. godinu.

611100

1.339.867,00 KM

Bruto plate i naknade za 55 zaposlenih su planirane po potrebama za 2019. godinu. S obzirom da je trenutno nepopunjen orkestar u postupku je proces odobravanja 8 zamjenskih radnih mjesta za muzičare od strane Vlade kantona Sarajevo.

611200

154.804,00 KM

Naknade troškova zaposlenih su planirane po potrebama za 2019. god za 55 zaposlenih.

Troškovi prevoza na posao i sa posla su planirani po 53,00 KM po radniku koji ima pravo na naknadu za prevoz.

Naknada za topli obrok je planirana u iznosu od 1% prosječne plate u Federaciji BiH dnevno.

Naknada za regres za godišnji odmor je planirana u iznosu od 50% prosječne plate u Federaciji BiH (oko 440,00 KM po zaposlenom) za sve zaposlene.

Naknada u slučaju smrti i teže invalidnosti je planirana na osnovu realne procjene.

Otpremnina za odlazak u penziju planirana prema potrebama za 2019. godinu. U 2019. godini niko ne ide u penziju, kao ni u 2020. i 2021.

612000

140.686,00 KM

Doprinosi poslodavca i ostali doprinosi su planirani po potrebama za 2019. god za 55 zaposlenih.

613100

25.232,00 KM

Ova pozicija se koristi za službena putovanja zaposlenih i za putovanje orkestra na gostovanja (broj muzičara je uvijek oko 50). Za 2019. godinu planirano da orkestar Sarajevske filharmonije ide na više gostovanje u inostranstvo i samim tim potrebno je više sredstava.

Odobreno je je 15.232,00 KM budžetskih sredstava, a 10.000,00 KM će se obezbjediti putem transfera od EU.

Transfer iz EU je 10.000,00 KM za projekat Music Up Close u sklopu kojeg je Sarajevska filharmonija partner uz obavezu prisustva plenarnim sastancima u vezi projekta, te izvrši program razmjene radnog iskustva sa partnerima (Work Exchange Experience Program).

613200

500,00 KM

Izdaci za energiju su planirani po potrebama za 2019. god.

613300

4.157,00 KM

Izdaci za komunalne usluge su planirani po potrebama za 2019. god. S obzirom da je JU Sarajevska filharmonija smještena u zgradi Narodnog pozorišta Sarajevo, sa ove pozicije se plaćaju komunikacione usluge.

613400

11.854,00 KM

Nabavka materijala je planirana po potrebama za 2019. god. Sa ove pozicije se pored kancelarijskog i kompjuterskog materijala vrši i nabavka potrošnog materijala za orkestar i instrumente. Bez nabavke potrošnog materijala za muzičke instrumente dolazi u pitanje i sam rad orkestra.

613500

3.561,00 KM

Izdaci za usluge prevoza i goriva su planirani po potrebama za 2019. god.

613600

1.300,00 KM

Izdaci za najam opreme su planirani po potrebama za 2019. god.

613700

4.500,00 KM

Izdatke za tekuće održavanje su planirani po potrebama za 2019. god. Tekuće održavanje instrumenata je nužno za rad orkestra, a prema ugovoru o donaciji dužni smo vršiti redovno održavanje doniranih muzičkih instrumenata.

613800

1.500,00 KM

Izdaci osiguranja, bankarskih usluga i usluga platnog prometa su planirani po potrebama za 2019. god. (osiguranje instrumenata i automobila) i osiguranje instrumenata po ugovoru o donaciji istih.

613900

326.369,00 KM

S obzirom da je Sarajevska filharmonija obavezna da izvodi operске i baletске predstave Narodnog pozorišta Sarajevo, potrebna su i dodatna sredstva za njihovo izvođenje. Sa ove pozicije se plaćaju zavisni troškovi projekata koji uključuju honorare gostujućih muzičara, dirigenata i solista, autorska prava, izradu i štampu propagadnog materijala, plakata i programa za svaki koncert, hostese, higijeničare i drugo opsluživanje koncerata. Pored ovih troškova tu su i stalni troškovi ugovorenih i drugih posebnih usluga.

obzirom na nepopunjenost orkestra radnim mjestima potrebno je uvećanje ovog konta jer je neophodno angažovati dodatne muzičare kako bi se uopšte mogao ostvariti program tj. koncerti, opere i baleti.

Transfer iz EU za projekat Music Up Close Network (održavanje koncerata u okviru projekta) u sklopu kojeg je Sarajevska filharmonija partner je 32.000,00 KM.

Budžetska sredstva iznose 307.469,00 u koje su uključeni prihodi od obavljanja sopstvene djelatnosti.

613983 MCK001

4.300,00 KM

Porez za nepogode MCK001 koji se plaća uz plate je planiran za 55 zaposlenih po potrebama za 2019. god.

613979 MCK002

8.800,00 KM

Posebna naknada za podsticanje rehabilitacije i zapošljavanja osoba sa invaliditetom izračunata je, s obzirom da Sarajevska filharmonija nema zaposlenih osoba sa invaliditetom, u skladu sa instrukcijama.

614800

100,00 KM

Planirano za izvršenje sudskih presuda u 2019. godini.

821000

10.000,00 KM

Sredstva na ovom kontu se upotrijebljavaju samo za nabavku nužne opreme, a dosta opreme je dotrajalo. Planira se nabavka printera, monitora i ormara za dokumentaciju.

Takođe je potrebno nabaviti opremu za orkestar.